



Broj: 09-20-11-2-1766/24
Datum: 17.9.2024. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14) čl. 27. i 70. Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2024. godinu, v.d. Direktor Federalne uprave policije, d o n o s i:

ODLUKU

o izboru najpovoljnijeg ponuđača u predmetu „Nabavka vojnog materijala“ za LOT 5

I

Na osnovu obavještenja o nabavci broj 1413-1-146-3-72/24 od 28.5.2024. godine, objavljenog u „Službenom glasniku BiH“ broj 37/24 od 31.5.2024. godine, proveden je pregovarački postupak sa objavom obavještenja o nabavci, u predmetu nabavke „Nabavka vojnog materijala“.

II

Za predmetnu nabavku za LOT 5, zaprimljene su 3 (tri) konačne ponude i to od ponuđača: KM TRADE d.o.o. Visoko, DANIAL S d.o.o. Tešanj i PATRIO d.o.o. Ilidža.

III

Komisija je utvrdila da ponuda ponuđača Danial D d.o.o. Tešanj sa cijenom 3.600,00 KM bez PDV-a, odnosno 4.212,00 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije od 16.9.2024. godine.

IV

Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 09-20-11-2-1766/24 od 23.5.2024. godine

V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

VI

Cijeneći prijedlog Komisije, v.d. Direktor Federalne uprave policije donosi Odluku kao u dispozitivu i ista stupa na snagu danom donošenja.

VII

Za izvršenje Odluke zadužuje se Sektor za finansije i javne nabavke.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2024. godinu, imenovana Rješenjem direktora Federalne uprave policije broj 09-19/1-30-2-16 od 04.01.2024. godine, postupila je shodno obavještenju o nabavci koji je objavljen u „Službenom glasniku BiH“ broj 37/24 od 31.5.2024. godine, na osnovu čega je proveden pregovarački postupak nabavke „Nabavka vojnog materijala“, podijeljena na lotove i to: LOT 1, LOT 2, LOT 3, LOT 4, LOT 5, LOT 6 i LOT 7. Procijenjena vrijednost iz Tenderske dokumentacije je za LOT 1 - 86.400,00 KM bez PDV-a, za LOT 2 - 139.500,00 KM bez PDV-a, za LOT 3 - 26.820,00 KM bez PDV-a, za LOT 4 - 19.800,00 KM bez PDV-a, za LOT 5 - 3.660,00 KM bez PDV-a, za LOT 6 - 255,00 KM bez PDV-a i za LOT 7 - 255,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača PATRIO d.o.o. Ilidža, SHOT d.o.o. Zenica, KM TRADE d.o.o. Visoko, UNIS GROUP d.o.o. Ilidža, MM TRADE d.o.o. Široki Brijeg i DANIAL S d.o.o. Tešanj.

Nakon donesene Odluke o rezultatima pretkvalifikacije broj 09-20-11-2-1766/24 od 15.7.2024. godine, Komisija je dana 01.8.2024. godine uputila pozive kvalifikovanim ponuđačima za dostavljanja početnih ponuda.

Komisija je dana 06.8.2024. godine od ponuđača UNIS GROUP d.o.o. Ilidža, zaprimila akt kojim se moli da se termin za dostavljanje početnih ponuda prolongira, nakon čega je upućena obavijest ponuđačima da je novi termin za dostavljanje početnih ponuda 26.8.2024. godine.

U skladu sa navedenim rokom ponuđači su dostavili početne ponude i to: DANIAL S d.o.o. Tešanj je dostavio početnu ponudu LOT 1, 2, 3, 4, 5, 6 i 7, KM TRADE d.o.o. Visoko je dostavio početnu ponudu za LOT 1, 2, 3, 4, 5, 6 i 7, PATRIO d.o.o. Ilidža je dostavio početnu ponudu za LOT 1, 2, 3, 4, 5, 6 i 7, UNIS GROUP d.o.o. Ilidža je dostavio početnu ponudu za LOT 1, 2 i 3.

Komisija je uvidom u gore navedene ponude konstatovala da su ponude ponuđača KM TRADE d.o.o. Visoko, PATRIO d.o.o. Ilidža i UNIS GROUP d.o.o. Ilidža ocijenjene prihvatljivim, dok ponuđač Danial S d.o.o. Tešanj ispunjava sve uslove tražene Tenderskom dokumentacijom izuzev LOT-a 3, a što je konstatovano u Zapisniku broj 09-20-11-2-1766/24 od 26.8.2024. godine.

Dana 27.8.2024. godine obavljani su pregovori sa ponuđačima, gdje su isti obaviješteni za koje LOT-ove njihove početne ponude su prihvatljive i ispunjavaju uslove i za koje će dobiti pozive za konačnu ponudu. Nakon čega su dana 28.8.2024. godine upućeni pozivi za dostavljanje konačnih ponuda i to: ponuđaču KM TRADE d.o.o. Visoko za LOT 1, 2, 3, 4, 5, 6 i 7, PATRIO d.o.o. Ilidža za LOT 1, 2, 3, 4, 5, 6 i 7, UNIS GROUP d.o.o. Ilidža za LOT 1 i DANIAL S d.o.o. Tešanj za LOT 1, 2, 4, 5, 6 i 7.

Komisija je na sastanku održanom dana 10.9.2024. godine izvršila pregled zaprimljenih konačnih ponuda, u smislu da li ispunjavaju uslove navedene u pozivu ugovornog organa za dostavljanje konačne ponude za LOT 5, te je utvrdila da ponude ponuđača: KM TRADE d.o.o. Visoko, DANIAL S d.o.o. Tešanj i PATRIO d.o.o. Ilidža ispunjavaju tražene uslove.

Obzirom da je kriterij za dodjelu ugovora najniža cijena, Komisija je Sektoru za finansije i javne nabavke uputila akt broj 09-20-11-2-1766/24 od 10.9.2024. godine, kojim je traženo provođenje e-aukcije u navedenom postupku.

Komisije je dana 16.9.2024. godine zaprimila akt Sektora za finansije i javne nabavke broj 19-19/2-11-2-1766/24 od 16.9.2024. godine, u prilogu kojeg je dostavljen izvještaj o toku i završetku e-aukcije 1412-3-1-146/24 od 16.9.2022. godine.

Nakon zaprimljenog akta Komisija je konstatovala činjenično stanje i daje preporuku rukovodiocu ugovornog organa da donese odluku o izboru najpovoljnijeg ponuđača za LOT 5, ponuđaču Danial S d.o.o. Tešanj sa cijenom 3.600,00 KM bez PDV-a, odnosno 4.212,00 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa, a što je konstatovano u Zapisniku nakon provedene e-aukcije broj 09-20-11-2-1766/24 od 16.9.2024. godine.

POUKA O PRAVNOM LIJEKU:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o otvaranju konačnih ponuda 09-20-11-2-1766/24 od 10.9.2024. godine
- Zapisnik nakon provedene e-aukcije broj 09-20-11-2-1707/23 od 16.9.2024. godine

Dostaviti:

- Sektoru za mat-fin poslove
- ponuđačima
- u spis

